

海

國

圖

志

海國圖志目錄

北洋

卷五十四

俄羅斯五部

卷五十五

大俄羅斯十八部

小俄羅斯三部

南俄羅斯五部

加匭俄羅斯四部

南新藩俄羅斯五部

小部落百二十有一

東新藩俄羅斯四部

西悉畢厘阿二部

都莫斯科部
科弗利部

東悉畢厘阿二部

雅古薩部
甘查甲部

西卑里十部

卷五十六

俄羅斯國沿革

國朝俄羅斯盟聘記

元代北方疆域攷上

元代北方疆域攷下

北洋俄羅斯國志

敘曰俄羅與英吉利爭印度情事已具西南洋志矣恭讀康熙平定羅刹方略俄羅斯兵守雅克薩尼布楚二城者每城兵僅數百我黑龍江兵數千攻之何難一舉摧拉而

聖祖兩致書察罕一寄書荷蘭往返數萬里始定疆界何哉其時喀爾喀準噶爾未臣服皆與俄羅斯接壤苟狼狽犄角且將合從以撓我兵力自俄羅斯盟定而準夷火器無所借敗遁無所投卽乾隆阿逆土爾扈特之事亦無所掣肘於是西北版圖開闢萬里

皆遠交近攻之力經營于耳目之前而收效于數十載
數世之後豈咫尺見邇圖所測高深萬一哉故具載本末
俾知 兩朝聖人御邊柔遠貽來世之深意語曰上
兵伐謀其次伐交其次伐國志北洋亦所以志西洋也
作俄羅斯志

海國圖志卷五十四

歐羅巴人原譔

北洋

俄羅斯國

侯官林則徐譯

邵陽魏源重輯

俄羅斯國總記

原本

俄羅斯舊國卽古時額利西意大利之東北邊地所謂西底阿土番是也近數百年始強盛疆域甲於諸洲有在阿細亞洲者有在歐羅巴洲者有在墨利加洲者其在歐羅巴之疆域七區曰東俄羅斯西俄羅斯南俄羅斯

斯大俄羅斯、小俄羅斯、加匱俄羅斯，並有所得南隅回教之新藩地。東界阿悉亞洲內部落，西界波蘭普魯社及歐塞特里。南界都魯機，北抵冰海。裏海以東至慈嶺爲哈薩克布哈爾愛烏罕諸國地，裏海以西，黑海以東，爲俄羅斯幅員二新地。黑海以西沿地中海東岸，爲南都魯機地。幅員二百零四萬方里，戶六千五百萬口。又有所得阿悉亞洲之新藩地，共四部落，總分二區。曰東悉比里、阿西悉比里。阿東抵海，北抵冰海，西界歐羅巴洲內部落，南界中國蒙古。索倫幅員五十萬方里，戶百有三萬八千三百五十六口。在墨利加洲內部落，僅葛西模斯一小隅之

地方里戶口均無紀載其國都原建于大俄羅斯之莫斯科後改都于東俄羅斯之比特革今仍還居舊都其國舊本土番不通上國無異于今之韃靼里樂爭鬪嫺騎射馬上交鋒趨捷如飛至千二百年宋真宗嘉祐元年韃靼里之國汗率師擣其莫斯科國都遂墟其社即元太祖滅俄羅斯事至于五百年明孝宗宏治十三年有諾戈落之人伊挽瓦爾西者起兵恢復俄羅斯北隅並復西比里阿盡驅韃靼里蒙古奪回三百年故疆始抗衡歐羅巴洲各國人猶雄悍未諳西洋技藝及至比達王聰明奇杰離其國都微

行遊於巖士達覽等處船廠火器局講習工藝旋國傳授所造火器戰艦反優于他國加以訓兵練陣紀律精嚴迨至近日底利尼王攻取波蘭國十部落又擊敗佛蘭西國王十三萬之眾其興勃然遂爲歐羅巴最雄大國其國都設西匿士六十二員分爲兩班其管轄外部之官則分數等不問轄地之廣狹收稅之厚薄而以所隸奴僕之多寡爲小大其奴僕最多有十二萬五千者官俱武職其國之奴僕浮於兵額在千八百十六年嘉慶二十官之奴僕有六百三十五萬三千人民之奴僕有一年

九百七十五萬七千人千八百二十年

嘉慶二十五年

拒敵佛

蘭西時兵止九萬加以鎮守兩都魯機之兵亦不滿十五萬卽并各處礮臺防守兵護衛兵數之亦不足三十

萬自擊敗佛蘭西威震鄰國開疆拓地閱十二年

道光十一年

年卽增兵至六十八萬六千倍于其舊然其強非因兵

卒之眾全因馬上之趨捷其養兵之法每農夫給田五

十埃及屋一間俾贍一兵一馬無事則兵亦助耕其水

師亦增大戰船四十小戰船三十有五桅船二十有八

小船三百水師卒四萬有四千土人俱崇額利教設天

文館、文法館、樂器館、技藝館、文學館、又書院一所、內藏中國與俄羅斯國之書二千有八百冊、於是文教亦盛。所居之屋、惟王宮、官署、廟宇、以磚瓦、此外民居、多用材木、衣則長與足齊、夏衣麻布、冬披羊裘、貴人衣皆飾以寶石、金剛鑽、河在歐羅巴洲北、有四窩爾牙河、自諾戈落發源、至阿斯特臘贊入海、長二千七百里、盧威那河、自河鹿那發源、至阿占牙入海、奈斯達河、自威多司發源、至比里入海、端河、自都臘發源、至阿鎖甫入海、產穀麥、牛羊、麻布、絨、鹽、煤、蜜、糖、蜜、蠟、酒、五金、寶石、五色木。

重輯

原無
今補

萬國地里全圖集曰：俄羅斯國北及冰海南至黑海土耳其國東接亞齊亞藩屬國西至瑞丁國入得海隅及陂魯斯奧地利等國北極出自三十八度至六十度偏東自二十二至六十三度廣袤圓方四百五十萬方里居民四千八百萬丁其地大半平坦惟東方有山嶺北方天氣嚴冷野地水潦窩地牙河流東南七千一百里入裏海其河深多船歐羅巴至長之河也地尼伯河南流入黑海頓河西南流入亞速海隅土味那河西北流

入入得海隅阿尼牙河北流入白海西北地多大湖如刺多牙湖阿尼牙湖西弋湖是也中央地廣坦無樹林皆草場游牧處北方沿海白海之海隅曰澤加牙海灣東北曰汾蘭利牙等海灣南曰亞速海灣各處港汊四通但北海則全冰船行不便其南之黑海由他大尼里海陝與地中海相連故與外國海路交通甚難也地產五穀阜如山積麻爲帆布橡松木爲材料運出外國者不勝其數其南方之馬強健善走又多牛所運出之牛油牛皮無窮山出金鐵金銅石居民族類殊異一曰薩

刺瓦族居其大半四千四百萬丁力登族二百萬丁住在八得沿海分族在西北方三百萬丁同達達里游牧在南方二百萬丁尙奉回回之教甲木族六十萬丁尙奉事菩薩亦爲游牧日耳曼人開新地之氓四百五十萬丁猶太散民五十八萬三千丁與他族種農夫共計三千七百萬丁其中爲國家或五爵之奴販賣人口無禁住城邑內良民共計四百五十萬丁其中有上下中品者隸五爵者九十萬丁不納稅賦而多捍法網五爵威權太重敢作敢爲通商廣大道光十二年有船五千

七百二十隻進口、納關稅銀三千七百萬員、所運進貨物共計銀萬七千萬員、運出貨物萬六千二百萬員、唐朝年間、其民未向化、止遊林內射獵、唐懿宗咸通年間、有頭目招其族類、建邑開土、五代後周顯德年間、女王代理國政、進天主教嗣位者有十二子、分給國地、由此罽賚爭戰不息、忽爲蒙古所侵服、然國王不失望於明、正德元年、將蒙古一概驅逐、時有倚萬王、好亂殘忍、城內被戮六萬人、明萬曆四十年間、五爵暨教師擇新王、靖國除亂、於康熙十年、彼得羅王幼時、爲其女兄擅汗

位幼主隱修寺內一面習騎射演士卒往白海建船通商又攻擊南方遊牧而開新海口遂招文藝賢士攻磨國民及見女兒侍衛亂政遂盡戮其人親攬國政又巡行外國學藝術愈久愈進欲知造船之術遂潛赴荷蘭國學習工師返國後與瑞丁國交戰而築建新都名爲彼得羅堡由此開海路與八得海隅往來水陸權勢始興深明韜略善曉兵機攻無不勝軍多船繁各國景仰汗沒後其后妃攝位亦有權謀雖嬖幸用事而其將帥皆得人故其國愈廣於乾隆二十六年加他隣后弑其

夫王而代立淫蕩有才廣文藝召工匠養精銳屢與土耳其國交戰皆勝嗣子承統與佛蘭西肇衅連年力戰佛蘭西不得已議和其弟卽位復征服土耳其擊退白西國故此西方各國畏之皆嚴兵防範以禦其侵侮國汗操權每公會議事召國之尊貴者百二十人咨問得失令各抒意見其部爲八管宗室管外國管兵管民管刑管戶管文學每年關稅田賦雜稅共計銀七千八百萬兩軍士六十一萬丁水師大兵艦四十戰船三十五兵船二十八小舟三百水手四萬臨陣其軍士堅屹如

磬死不退走、國家欠銀二萬萬、文武各官俸祿甚薄、多受賄枉法、崇加特力天主教、無異希臘教、門在國都有教皇、大有權勢、其教主分各部、廟七十萬間、僧十六萬寺、四百八十間、女寺百五十六間、衣長衫、冬卽羊皮、食物粗糲、以大麥粉爲湯、用粉水爲飲、嗜酒、不沐浴、臥地爐以自暖、以白菜養牛馬、城邑良民分黨自豪、視農如草、人多賭蕩、放恣無度、入得沿海地、一望蒼莽、終年如冬、故產物不多、松榆稠密、種田甚少、其都城彼得羅堡、內屋高如殿、城建火中、西風吹水入港、遍街漲溢、常患

水潦王廷袤四十五丈、闊三十八丈、宏麗光曜、大廟前
立柱如林、皆奴僕自建使費一千萬員、道光十年商船
七百五十三、進口貨價銀一萬零九百萬員、出口價銀
八千三百萬員、都城居民四十二萬五千丁、尼瓦河口
在都城外、立冕城軍局以藏兵器、利牙城在八得海口、
居民三萬丁、每年出入船千餘、又有分蘭部、乃瑞丁國
所讓割之地、天寒民貧、其亞坡城居民萬丁、皆崇上帝
之真教、而拜救世主、所有地財雖少、天財甚厚、大峩羅
斯部廣大過於他部、出五穀、麻等貨、其內古都曰木吉

城多五爵之宮室，鑲以金。嘉慶十六年，佛蘭西侵取國，都我民自行縱火焚燬殆盡。及戰勝，再建復還其舊。今城中居民二十四萬丁。汗建聖殿，高七十七丈，長二百有十丈。其城爲國之中心，庶民集會之處。諾鄂古市爲貿易大館，今已衰廢。加路牙居民二萬五千丁，巧於製造土刺邑。居民三萬五千丁，鍊習鐵器。都城北方各地人民罕居。土人捕魚爲業，其極邊夷族甚矮，以犬爲馬。使鹿如牛。白海濱亦有港口，冰消時商船出入不絕。居民萬六千丁。白我部廣坦沃壤田，居民清潔，建屋齊整。

會城曰吉菲，四圍山青水綠，風景甚美。南戛羅斯部，五穀極豐，足贍地中海各國。其平地內有可薩種族，善騎馬，故國王募爲騎兵，食本錢糧，不取國家之祿，而好劫掠爲食。然用以巡邏，探敵營形勢，深入擄殺，冒險不懼。倘逢敵追，卽時飛走。平日安業樂務，行爲樸實，待旅客有禮。文汗建新城，在阿得撒海口，商船舳舻不絕，居民三萬丁。南半土及黑海者，稱曰金地，古時回回游牧，地產葡萄、柑桔，各項南菓，成皮造番鹼，山川秀麗，柳楊相映。其會城曰甲撒，居民四萬丁，勤務本業。

又曰義羅斯藩屬國南至滿州蒙古裏海白西爾上爾其地北及北冰海東至東海接海陝間亞默利加西連歐羅巴西南接土爾其及黑海北極出自三十七度至七十度偏東自三十六度至一百九十度諸國之最大者然其北方冰雪之地惟野獸所能生之人跡所不到其南方藩屬曰告甲俗山嶺崎嶇最高者千八百丈其山之北又復平坦窩瓦河兩邊草場玉海金山自三十至四十八之裏海廣大深淵產金銅鐵金鋼石居民勇猛風俗語音不同一日熱阿義人本奉耶穌之教近

爲異端迷或男女秀麗其都曰得勒城街狹屋卑包戕
軍守城以後漸入佳境一日黑海之濱名額里地四方
山嶺土君販賣人口爲奴一日勒額阿西地種類居山
內草木暢茂禽獸繁殖五穀不登其民猛而野旣奉回
回之教與戕結敵盡力擊退戕軍連年攻戰不息其女
最美多賣遠方爲人妾其價甚貴如有才能往往爲國
后其會城曰迓大罕通商富財其產最繁者爲鱧魚龍
捕於裏海而賣於各國東方最豐青草蒙古等種類遊
牧其中賣馬羊牛皮貨易布疋

其東方藩屬曰西伯利一作悉畢底阿廣袤圓方一百五十萬方里居民一百零三萬八千丁自南流北之河曰勒那曰葉尼賽曰阿比等南方有蘇米排半兩湖終年結冰毫無通路產金銀銅鐵寶玉嫩黃玉草木惟在南方北地不毛惟有矮松楊樹多狐狸兔貂鼠海虎水獺毳獸其居民各異種類南方蒙古族東南如滿州之東如種北有撒摩葉侏儒各種大半尙崇佛不拜上帝我國犯罪人流於此地或逃走再捕獲則使開礦贖又有率可薩類多爲兵四月尙冰凍所獲毳皮與蒙古迥

海國圖志

卷五十四

北平

自易知

十

商甚裕所出銅五十一萬二千五百石鐵九十九萬石金銀百有餘萬兩其部落之名如左近西之藩屬曰多僕部設大鑄礦之爐義羅斯總帥劄駐理東地之政南方生草木有哈薩克游牧頻次侵國雖派防兵時入鈔掠北方無物產但調營汛收其土貢有芸益斯部遍地草場多礦不通商路城內防兵四千與哈薩克常結衅有東色部豐盛出穀蒸酒士民沉湎有東方耳谷部甚廣大銀鉛礦廠有名居民秀雅好學以皮及鉛爲賦有他甲城在蒙古交界漢義互市波訛益但陸商不如

粵東海商之盛牙谷部在凍地惟三月內冰消雪散但其居民射獵以毳皮爲市稅官索需剝削故民至飢寒有阿谷部在東海之濱其會城在海隅與隣島通商土官惟征其皮貨餘皆不毛之地有堪察加部極東北長半土少草木繁野獸土民矮小以魚爲食多居地穴用犬如馬好淫醉戕羅斯開口貿易爲罪人流徙之所極東亞律羣島自亞齊亞極東至亞默利加皆磽瘠但有皮可市古利羣島接日本國半歸戕羅斯惟南洲服日本也戕商賈歲往取皮毳亞齊亞東北之極居民無主

並不服弒羅斯但將皮易烟

原無今補

地球圖說義羅斯國

職方外紀作莫斯科未國或作麥可斯未

東界亞細亞

大洲內西比利亞國

即義羅斯屬國

南界黑海并土爾基國西

界裏海并波路西國阿士氏拉國并土爾基國蘇以天

國挪爾圍國北界北冰洋國之東有高山一帶名由臘

山中央平坦栽種五穀可爲牧場其百姓約有六千七

百萬之數都城名彼得羅城城內民四十六萬有希臘

教

其規則見希臘國圖說內天主教回回教猶太教所用之人皆自

外販人爲奴僕內有莫斯科高城昔是國都道光十七年

被佛蘭西國侵伐其城燬於地雷火炮今雖修築完固
然不復建都矣其民多居國南少在國北以地近北冰
洋天氣極冷也內有大江四曰服拉加江地尼伯江土
喂拿江烏拉江其南方一帶高山名告甲素山計高一
千八百丈土產麻布皮貨金紅銅鐵金礪石木料胡麻

五穀

原無
今補

地里備考厄羅斯國分三州一在歐羅巴州一在亞細
亞州一在亞美加州疆土甚廣烟戶實繁在歐羅巴州
之北者北極出地四十度起至七十度止經線自東十

六度起至六十二度止東至烏拉爾山暨加斯比約海
西連瑞西布羅西波羅尼奧斯的里四國暨州中海南
接土耳其基加拉哥維二國暨黑海北枕冰海長約七千
六百六十里寬約五千五百里地面積方約二百七十
五萬里烟戶五京六兆五億口地勢平坦東南山阜紆
軫絡繹湖河之巨出歐羅巴州各國之上河至長者曰
窩斯加曰敦曰聶卑爾曰北者拉曰科內加曰都納曰
內襪湖至大者曰拉多加曰科內加曰薩壹馬曰北壹
布曰巴牙納曰壹爾門其田土以附近河岸者爲膏腴

北方各地至六十度外皆屬不毛西南多黍麥東方則砂磧渴鹵北方宜苽麥油麥中央則胡麻黃麻土產黃金銅鐵礬硝白玉水晶紋石滑石磁器等物地氣北方則冬月川河盡冰有夜無晝夏季終日雲霧有晝無夜南方則天氣晴和萬物蕃盛王位男女皆得襲嗣惟以長幼爲序奉額力西之天主教別教亦不禁止王技藝盛商賈本國古稱薩爾馬西乃斯加拉卧尼國所分迨斯干的那威國人祿利哥者興師克之傳至烏拉的米爾父子始定律例建學闢肆金宣宗元光二年爲蒙古

侵占越二百五十四載至本國宜萬王時始征服蒙古並取悉卑里亞東北全地明萬厯中波利斯王薨後國政紊亂爲波羅尼國所奪嗣傳至伯多羅王年少勤政務稼穡通關市攻破瑞西國威震鄰邦因諡曰太傳至加達利納女王宵衣旰食攻克波羅尼亞國吞併土耳其亞國各地大闢疆土遂爲歐羅巴州強富巨邦至亞勒山德黎王與東國結盟共拒佛蘭西國擊敗那波良之軍其弟尼哥勞於道光五年卽位是本國現在之君也本國地方鎮部其鎮四十有九北方則十二鎮一名

桑比德爾斯布爾厄建於內襪河濱乃本國都也最爲
富麗一名亞爾干日一名非蘭的一名科勒內一名斯
多尼一名里窩尼一名北斯哥弗一名諾弗哥羅一名
窩羅科達一名的威爾一名日羅斯拉一名哥斯德羅
罵南方則四鎮一名究一名給爾孫一名厄加德黎諾
斯拉一名道里達西方則八鎮一名孤爾郎的一名威
德比斯哥一名摩宜勒威一名明斯克一名維里納一
名哥羅德諾一名窩黎尼一名波多里東方則八鎮一
名白爾摩一名維牙德加一名科倫布爾厄一名加三

一名新比爾斯克一名奔薩一名薩拉德夫一名亞斯達拉干中央則十四鎮一名墨斯溝一名斯摩梭哥一名瓦拉的迷一名尼內諾烏科羅一名加婁架一名斗拉一名里牙三一名當波弗一名科勒爾一名古爾斯克一名窩羅尼日一名耆爾厄科弗一名加巴的哥海中則三鎮一名達科一名厄塞爾一名亞蘭其部則四名敦部一名高加索部皆在東南方一名比牙黎斯德部在西方一名北薩拉比亞部在南方其國通商衝繁之地內外不一半瀕海邊半屬內地之埠

原無今補

外國史略曰：俄羅斯國之始，本游牧部落在歐羅巴東方。其號俄羅斯，始於唐敬宗寶曆中。其後五代周世宗顯德二年，國王娶希臘國王女，進天主教，百姓向化，遂以全國分其諸子，爭端日起，分國爲二。始與他國往來通貿易。南宋寧宗嘉定年間，爲蒙古所有，納貢賦。百餘年，屢叛屢服。明英宗正統間，舊我國以文第一王，募萬民，合力以驅蒙古。適蒙古王族內鬪，我國遂恢復舊圉，且攻據陂蘭國。其子號以文第二王，尤好武，戰無不勝。攻據東方大地，雄占阿西亞州，幅員愈廣，政令嚴酷，旋

爲其下所弑，於是陂蘭國王來干其國政，然陂蘭之政尤暴虐，萬曆四十年，遂激民變，共焚國都，驅逐出境，於是教主五爵咸集羅馬城，擇立國君，後與土耳其國爭教肇衅，其教主教師不傳業術，五爵操權通商止在內地，不出外海，康熙十年，彼得羅大王卽位，年尙少，其姊攝權，因與土耳其戰，在黑海據一港口，由是備戰船五十，航海以護商船，聞荷蘭各國巧於造船，其王遂潛往英國船廠學習器械，歸練水師，與瑞丁國戰，九年瑞丁敗，讓巴得海港以東各地，遂建新都，稱彼得羅堡，以爲

市埠日漸雄盛，瑞丁復結土耳其國來攻，鏖戰三次而後平。是時我國水師船四十一艘，水手萬四千名，炮二千一百門，遂自帝其國立律令，在裏海與白西國戰，通商南海，又與中國立和約，立館北京，定界碑於黑龍江。後我國女王嗣位，佞臣營私，與土耳其國破路斯，屢交戰，府庫空虛。乾隆二十六年，世子嗣位，受制於妃，女王自立，又擅我國之政，使其嬖臣據波蘭國，拘其舊主，且激希臘人叛土耳其國，以抑回教，遂與東國破路斯兩國分其地，再攻擊土耳其，基女主死，其世子亞勒撒得嗣。

位又值佛蘭西國大變，我國與東國破路斯國結盟，攻擊佛國，屢見敗。嘉慶十一年，與佛君那波利穩王議和，會佛國嚴禁各國與英吉利通商，而我國不從，遂肇衅。嘉慶十六年，佛國王領兵六十萬以伐我羅斯，我見其勢大，引軍先退，清野堅壁以待。佛軍直抵其都，忽宮殿火起，焰烈四延，佛軍奔潰。冬月，冰雪中沿途凍餒，無所食宿，我國選勁騎乘勢追擊，殲敵大半，餘走匿。日爾曼國城中，我羅斯又結束國破路斯國之兵數十萬以報前怨。嘉慶十八年，復大戰，佛軍大敗，竟破其都，逐其國。

王自後我國威權大震其君亞勒撒得王道光十五年薨其弟尼可老卽位政令嚴肅與土耳其國戰獲全勝在列西國中最爲強盛其地在歐羅巴者廣袤方圓七萬五千里幾占歐羅巴州之半別有阿西亞北方全地計二十七萬九百里兼亞默利亞西北地萬七千五百里得全地面八分之一北極出地自三十九度至七十八度經度自三十六度至二百四十七度南分土耳其東國黑海白西國東南界西域新疆蒙古黑龍江北及冰海西界瑞丁巴得海隅及破路斯國東國土耳其國此

爲一大陸地也其在歐亞兩大地之間有葱嶺高山連
及亞西亞藩屬地亦多山其國內地悉平坦有草無木
一帶沙漠多湖最廣者裏海乃天下最廣大之湖也水
面方圓六千八百二十六里與海無異尙有在北地之
拉多牙湖廣袤方圓二百九十二里江河最長者曰阿
被河長五千八百里熱尼西河七百里里那河六百里
皆在亞西亞藩屬地並北流入冰海窩干在歐羅巴
地長五百里東南流入裏海地業江
河二百四十里得尼得比等江其水

生頓

加入

黑白裏海，因水道廣通，故舟楫四達，天氣甚冷，冬時地
遍冰雪，居民少食多眠，若行路則駕犬馬與鹿，推行冰
上，其山磽無樹木，地廣民希，統庶民六千二百五十萬，
語音風俗大同小異，又有撒窩匿族類，與義國語音相
同，力得族類四千七百七十三萬，在巴得海隅邊者二
百萬，有實尼族類，在此地者三百八十萬，日耳曼國之
客氓遷此者五十萬，別有在北地四百萬餘，其民巧捷
勇猛，亞米年務貿易之民五十八萬，猶太人二百一十
八萬，蒙古游牧族類四萬，滿州打牲族類四萬，東北族

類五萬、北方矮民族類一萬八千、雜類十萬、崇希臘天主敎者四千二百七十萬、奉天主敎、耶蘇敎、回敎、佛敎、教師禮拜堂甚多、道光十六年、所生之男一百零四萬七千名、女九十九萬九千名、其奴自耕其田者六萬七千、據地者百二十五萬、佃富民田者六百六十九萬、佃官田者百五十六萬、習技藝百工者二十一萬、五爵所轄之農千有百三十六萬、城邑居民百二十六萬、商賈十二萬、五爵男女上下約四十萬、各官吏役二十萬、各敎師祭司及各敎門二十萬、軍士約二百萬、五爵不納

餉以奴爲產業任意販賣居民九分之八居住鄉里多
草寮無瓦屋其園一千五百所鄉一十五萬所其氓多
由遠方招至開墾新地大半日爾曼國之民每年雲集
在山內者多以掘礦爲生在北方冰地者恃漁獵爲業
惟國中有田方圓約二萬里餘皆荒地農民三千八百
二十八萬產大麥粟豆三角等穀西南地產穀頗多尙
有餘運出他國其草場雖廣不足肥牲畜有野馬日走
千里其騎軍最趨捷善戰每歲運出絲羊毛值銀一千
一百四十二萬員南方養駝約四萬六千五百隻林木

多在北方其林地方圓二萬四千餘里材可造船兼養
蜜產蠟南方無林木則養蠶國多漁戶北方冰海則捕
鯨之價每年約四十八萬六千員其最大之魚磯在裏
海有鱗龍魚狗肚魚等每年獲值銀約千四百萬員山
開礦產五金亦產寶玉金剛石俄人不善製造而禁外
國人所造之物運入本地惟招外國人入境教之國中
有能製造新奇者必賞之然所造之人皆用奴工價省
而賣價昂終不如各國之精良也道光十九年製造之
廠計共六千八百五十五間匠人四十一萬五金廠四

百八十六間製造之價銀二千餘萬員其君嚴禁外國羽呢入境亦禁出境只在蒙古地方與中國交易所賣之呢皆我國土人所織。其通商各地在亞士他干及那義鹿邑每年所賣貨物萬一千萬餘圓外國物件三千六百萬圓茶葉三萬四千箱價約百八十一萬圓粗茶七千箱價值七十二萬四千五百圓中國布帛線緞價值四萬五千員其國內窩牙河等水路商舟一萬六千一百五十隻筏三百其貨價共計二萬萬員在阿加並所匯入之江計舟五千六百八十隻筏六百其貨物

價值銀七千五十九萬六千員、加馬並所滙入之江舟
二千五百六十隻、筏一百四十、貨價七千一百八十二
萬、北地那江舟二千、筏二千六百五十、貨價二千零七
十八萬九千圓、在湖面之舟一萬八千、貨價一萬三千
二百二十萬圓、西土那江舟二千三百五十四、筏一千
九百八十、貨價六十二萬員、威悉河舟六百九十、筏三
千七百六十、貨價六十二萬員、地尼得河舟二十、筏九
十、貨價七萬二千員、地業河舟一千九百五十、筏一萬
二千四百二十、貨物價值一千一百三十八萬員、頓河

舟五百八十隻三百貨價七百五十三萬三千員蓋我
國多山江河上游皆淺故舟少筏多異於他國。又在
亞西亞藩屬地之阿比河舟百九十貨價百四十萬員
熱尼西河利那河舟四百七十貨價三百四十三萬員
○我國居民無志航海惟在本港與外國商船貿易道
光十九年運出者共計九千四百八十二萬八千員運
入者七千一百十八萬員稅餉道光十年千九百七十
二萬員十九年二千六百四十萬五千員道光二十年
運出羽呢布匹絲線五金器皮物價銀三百六十一萬

五千員運出者銀六百八十九萬三千圓其通商之地
在巴得海隅之彼得羅堡爲其國都乃最廣之港也尙
有利牙利瓦等海口有白海隅之天使魁邑港口有黑
海之阿得撒但各港口有在亞士弗小海隅之他安鹿
口又在裏海之大港口與亞士他干及白西國通商在
亞西亞藩屬國有阿林下與中國交市在西域通商者
有奇瓦布加拉可干等地

俄國本非一國由兼并各地半在歐羅巴半在亞西亞
今共分十一大部其北地在白海之南廣袤二萬四千

四百四十六里居民百二十五萬西北有大島四時冰雪白熊海犬所集人躋不到土人穴居貧乏少食惟使犬使鹿無他牲畜南方多木其都會曰天使魁亦古港口也各國之船雲集。其中央分十九郡稱大義羅斯廣袤萬四千八百八十三里居民一千八百六十八萬各地平坦豐五穀彼得羅堡其大港口也城建於康熙三十九年冬春恒冰各貨物載於冰車運至都中其居民不善工作技藝惟賴日耳曼國及各國寄寓之人以足其用尤防海潮水一漲則其都危矣。國之古都曰

莫斯科在國中央，戶口殷繁，商賈雲集，街多且廣，嘉慶十七年，佛軍侵界入都，土人潛縱火，佛軍二十五萬潰逃一空，斃者四萬，殿宇多爲瓦礫，兵退再建，愈壯麗，居民三十四萬，那綦鹿城在明朝最盛，爲我國之大市，多禮拜堂，有極美之塔，居民一萬，士拉邑爲製造之藪，有匠七千，造鎗炮各項鐵器玩物，居民三萬五千，加路牙邑居民二萬七千，造皮氈篷布，土摩憐邑居民二萬，嘉慶十六年，佛我兩軍血戰之地。其在巴得海隅之部有三，共廣袤千六百一十六里，居民百五十七萬，一曰

益蘭部其原土民在沙地爲農地主半日耳國人產麻穀等物其海口都會曰利瓦居民萬五千每年出入船約百隻在此鑄炮鑄鐘二曰勒蘭部地平坦出五穀居民耕田爲奴操權者皆日耳曼之族其港口都會曰利牙居民五萬八千進出船千二百隻貨價四千萬圓運出者多五穀有肄業之院三曰古耳蘭部地多澤沙漠無產其氣冷僅有麻穀亦賣與外國都會曰米道○賓蘭部方圓六千四百里居民百四十三萬內多林澤惟河邊有居民餘皆荒蕪風俗亦殊天氣甚冷居民崇耶

蘇敘城邑甚少、屋皆草舍。○白俄羅斯地分三部、廣袤三千五百八十五里、居民二百六十七萬、地多林、百姓以獵爲生、鮮大邑、居民多農、天氣冷、無多產、都會曰閔士其。○小俄羅斯方圓九千九百二十九里、居民千一百一十二萬、地分八部、爲我國之重地、一曰窩利尼音部、地最豐盛、多牧場、資牲畜、又多密林、製造極巧、與鄰地貿易、二曰破多鄰部、有山嶺、高不過五十丈、居民務農、亦有游牧之人、地平坦、耕田以馬、極其勁健、民數約七十萬、每遇招募騎兵、則一呼雲集、然易生叛亂、故俄

國畏之其頭目亦有武官長領等我國之官在北地無
大權幸其民猛而有信。破蘭國廣袤萬三千里居民
千五萬惟五爵家有十萬丁餘百姓皆奴與峩族無異
惟自昔五爵多據地明洪武年王室廢所有新王必聽
五爵推立乾隆嘉慶年間我國屢合衰國之兵以分其
地削其權遂不立君聽命於峩國焉其國廣袤二千二
百六十七里居民四百四十二萬五穀豐登其農夫皆
奴其都會曰瓦久居民十三萬其城邑乃甲勒律寶蘇
瓦其多草舍民貧乏大半尙天主教。又利道地部昔

與破蘭合廣袤千八百三十九里居民二百四十二萬地悉平坦多瀦水土產五穀麻木料物蜜糖蠟居民多養牲畜亦造酒皮鐵器農甚貧五爵則富其都曰威拿城居民四萬○新義羅斯國在西南方係所取土耳其基國游牧地也廣袤五千一百一十九里居民二百二十八萬在多惱河土耳其國之交界多游牧建城防範界內無水無林木土雖豐鮮產物其一郡曰吉孫大半平坦多牧場民不知耕招來氓開墾在亞士弗海隅有折孫之半地係昔回回游牧之所南方甚豐出葡萄甘橡

各果氣甚煖地甚富羊皮甚柔他國爭貨之。沿裏海之地廣袤萬一千零二十四里居民五百八十八萬本山地分爲六郡大半屬亞西亞在裏海邊其都會曰亞士他干城居民四萬多漁戶大半回族加撒郡居民四萬亦多回族地豐盛多產物但民多怠惰故地如荒野。其歐羅巴亞西亞中間之地廣袤萬一千七百五十里居民四百九十一萬此地處在烏拉山內天氣甚寒不出五穀多五金之礦居民以掘礦爲生其都爲阿林布北耳米兩邑其在亞西亞州之藩屬地所稱西比利

亞者廣袤二十一萬九千四百五十方里係西亞北
方全地居民五百七十八萬北有大澤夏時尙見冰雪
西南有豐地出金沙紅銅鐵寶玉及象居民牛崇釋教
以游牧漁獵爲生南有林木亦出五穀民不知耕東方
有半地曰干查甲有兩港通貿易其地大半冰雪出礪
地分東西兩國其都會曰多薄斯通貿易又有曰雲士
其曰雅谷士曰其甲他及東邊阿谷士各海口。其山
外之地分十郡大半昔屬土耳其白西等國居民多回
族在裏海並黑海之濱其山內百姓連年與義國戰而

敗退陣亡者千萬其男以獵爲務好虜掠其女最美麗
回回國人販買之。在谷內有崇天主教之族曰亞耳
閔曰執阿耳義皆安分貿易土豐盛而民不知耕最大
邑曰以利文居民萬五千距白西國不遠又有得賓邑
治利文邑得勒邑皆所轄也。額耳西地廣袤二萬六
千九百里居民四十二萬距中國新疆不遠民多游牧
我國與新疆日相侵伐崇回教嘉慶二十三年後歸我
國權轄。其在亞默利加西北方之藩屬地廣袤二萬
四千四百五十里居民僅二萬海邊之埠數百皆我人

居之漁獵爲事以魚爲食又有列羣島曰古利曰亞來
地方圓七百五十里居民五千在港口以皮易食物依
海業漁尤以捕鯨爲業

義民頗聰明語音各異廣招外國賢士以化其民制度
從佛蘭西文學從日耳曼行藏甚巧和顏耐苦偶遭酷
虐卽作亂惟上品之士好遊各國然國君嚴禁外出焉
義軍勇戰寧陣亡不後退他國畏之嗜飲少食農衣羊
皮民牛貧乏其富者賭博宴飲侈靡糜費貧民小犯罪
鞭責與牲畜無異俗重其君所賜號與爵同榮百姓不

好文字設學館萬一百五十內有學生六十六萬禁各種書冊不准百姓誦讀然繙譯外國書本頗多

俄國之政王自操權五爵大臣不敢干預國無定例亦不遵舊章任意出令故其君多自尊大妄行幸人各嚮服遵守約束爾其政務有十三大臣分司之並有公會議國大務亦有敎主司敎事國帑所入銀萬五千五百萬員稅餉最多者酒課每年三千六百萬員國內務每年用銀三千三百萬員其兵陸路費銀二千萬員國欠項銀四萬九千六百萬員兵士共計六十一萬錢糧甚微

其兵船在巴得海隅黑海白海裏海各處派調共兵船三百四十隻載大炮六千四百四十門○義國與各國往來調公使大臣駐各國之地在土耳其國兩侯之北地居民三百八十五萬咸賴義國保護其權勢最爲浩

大

原無
今補

烏拉山內金礦每年約金沙九千觔紅銅六萬石鐵三百三十八萬八百石鹽二百二十三萬八百石運出者皮負麻牛油綿花木料呢羽繪畫珠寶等物運入者米

縹茶葉茶餅而已

見外國
史略

東俄羅斯五部

以下原本

比特革部

東界那阿俄落西界里圭南界伯斯波什北界宏蘭

在東俄羅斯之

北俄羅斯王遷都於此幅員萬八千零九十方里戶

八十萬又八千五百十二口轄小部落六兵五萬五

千疆域平蕪濱海岸饒林木田疇互錯惟天寒多冰

雪遇潮漲風烈水漫溢爲患故千八百二十九年

道光

九浸溺幾及萬人產稻麥樹木

宏蘭部

東界阿占牙爾西界海南界比特革北界海

在宏蘭港之北距綏

林國僅隔一港層巒疊嶽林深箐密冬寒雪厚幅員

十三萬四千四百四十四方里，戶百有三十四萬六千一百三十九口，轄小部落三十有七，土番宏土種類，洧樸勤力作，語音朗爽異他部。

里圭部

東界比特革南界利窩尼阿西北界海

在宏蘭海港之南平行

多湖夾岸茂林，美田疇，播種豐稔，幅員六千八百九

十方里，戶三十九萬零三十二口，轄小部落三土番

宏土種類，皆習額利教，其地本屬綏林，千三百年

元成

宗大德四年

爲耶馬尼所吞，後歸俄羅斯。

利窩尼阿部

東界比特革南界戈爾西界海北界里圭

亦在宏蘭海港之

南窪土多湖、稠樹、厥田稱上、上幅員二萬一百一十方里、戶七十三萬七千七百三十四口、轄小部落五土番、宏土種類皆習額利教、其地本屬綏林爲耶麻尼所奪、今歸俄羅斯。

戈蘭部

東界利窩尼阿南界威爾那西北界海

亦在宏蘭海港之南少

北平壤有湖、叢樹木豐五穀、幅員九千五百四十四方里、戶五十六萬八千六百九十口、土番宏土種類皆習額利教、其地亦本屬綏林爲耶麻尼所奪、嗣歸俄羅斯。

西俄羅斯六部

西俄羅斯有二一名里都阿尼一名屋列尼其里都阿

尼所屬五大部落曰威爾那曰俄羅儼曰威的塞曰倭

塞曰目希里甫其屋列尼所屬二大部落曰窩爾希尼

曰波羅里阿千四百年間

明建文四年

本屬查遮爾倫及波

蘭之地查遮爾倫與波蘭女王婚配遂合爲一國查遮

爾倫居於波蘭後爲俄羅斯所奪名之曰西俄羅斯故

至今七大部落仍屬統轄土番二種

曰俄羅斯曰黑

俄羅斯俄羅儼一部落黑俄羅斯也其餘威爾那等部

落皆白俄羅斯幅員十六萬五千方里戶八百八十萬
口人甚粗魯地多沙石耕僅餬口產鐵木蜜糖及豹狼
熊牲畜

威爾那部

東界敏塞南界俄羅斯
界普魯社北界戈爾蘭

轄小部落二十

有七首部落卽名威爾那有教習技藝館教習天文
館教習造船館貿易蕃盛

俄羅斯部

東界敏塞南界窩爾尼
西界瓦肯北界威爾那

轄小部落十有

四首部落卽俄羅斯不渣遮爾倫故都今則宮室僅
存基地

威底塞部

東界斯庫連西界威爾那南界敏塞北界伯斯果甫

轄小部落二十

有二

首部落即名威底塞貿易亦盛

敏塞部

東界日希里甫西界普魯祖南界窩爾希尼北界威底塞

轄小部落三十

有五地卑溼南隅多湖恒有水患

日希里甫部

東界斯庫連西界敏塞南界查尼俄甫北界威尼塞

濱海轄小部

落十有三

首部落即日希里甫商賈所匯

屋列尼部

東界布爾多瓦查尼俄甫南界卡循西界牙里西阿查肖北界窩爾希尼阿轄

二大部落窩爾希尼阿波羅里阿均白俄羅斯也域

內有奈已河河東屬俄羅斯河西舊屬波蘭今亦全

屬俄羅斯

窩爾希尼部

東界幾甫西界瓦肖南界鼓羅里北界敏塞

轄小部落三十

有一和暖平燕疇錯豐稔產穀酒牛羊

波羅里阿部

東界幾付北界窩爾希尼西界牙里西南界沙臘彌阿

轄小部落

十有七平曠略有小山田疇美商賈盛

海國圖志卷五十五

北洋

邵陽魏

大俄羅斯十八部

莫斯科部

東界阿那里麻南界都臘西界斯摩速北界底瓦

本俄羅斯舊都

也封域寥闊故曰大俄羅斯幅員萬有五百方里戶

百二十八萬九千八百二十口轄小部落三兵二萬

二千土番皆習額利教北界近綏林層巒疊嶺林木

葱蘢天寒多雪尙不害麥亦產穀佛蘭西那波利稔

王曾率師來侵踞其國都爲火所焚不戰自潰死者

無算敗績而遁蓋俄羅斯設計空城伏火以待也先是莫斯科之屋廬牆用木板上覆以瓦或有以鐵爲門以鐵代瓦者自遭兵燹極目荒曠行人常虞迷失嗣後鳩工修築磚瓦崇麗修廟則仿之韃韃里造衙署監獄則仿之佛蘭西而寶刹之輪奐營帳之嚴壯皆埒諸國現存大鐘一寬六十七忽八寸爲忽重二萬二千噸約值銀七萬棒五員爲棒大礮一內寬可容坐十人從未施放

那窩俄落部

東界窩鹿那南界底瓦西地處北隅並界北特革北界阿羅義斯

轄麻爾底瀕海各地爲至蠻悍之區不受約束後爲

蒙古韃韃里王所奪

疑卽元太祖所
攻服之欽察也

至俄羅斯伊挽

王始征服其地幅員五萬六千五百五十一方里戶
九十一萬五千五百口轄小部落八壯麗雖不及國
都亦俄羅斯至大之部落

尼斯諾科部

東界加區西界窩拉里麻南
界水耶北界果士多羅麻

濱臨窩爾

牙河爲阿細阿洲歐羅巴洲各國商賈所聚惟河漲
時有淹之患幅員二萬五百零一方里戶百三十四
萬口轄小部落五土番皆習額力教

阿那里麻部

東界尼斯諾科西界莫斯科南界阿區北界耶羅斯羅

幅員萬八

千六百六十九方里戶百三十萬六千零四十六口

轄小部落四土番皆習額力敎產鐵器

底窪部

東界耶羅斯羅南界莫斯科西界伯斯果甫北界諾科落

附近窩爾牙河

幅員二萬四千二百十三方里戶百二十三萬三千

三百五十八口領小部落五土番皆習額力敎

都臘部

東界阿區南界阿里爾西界加魯牙北界莫斯科

幅員萬一千九百

零四方里戶百零九萬三千七百二十口領小部落

四土番皆習額力敎產鐵器居人富庶

加魯牙部

東界都拉西界斯摩速南界阿里爾北界莫斯科

幅員萬二千七

百三十六方里

戶百十五萬九千六百口領小部落

四土番皆習額力教土腴產粗尼粗布貿易蕃盛

阿臘爾部

東界窩羅義斯南界戈塞西界渣尼俄市北界都臘

幅員萬六千七

百七十九方里戶百二十七萬零八十五口領小部

落五土番皆習額力教美田疇產稻穀運售于比特

革

窩羅義斯部

東南俱界端戈沙斯西界戈塞北界旦摩甫

附近端河俄羅

斯比達王始得其地幅員三萬二千四百八十七方

里戶百有四萬四千八百二十口領小部落十一土

番皆習額力教土沃商賈盛

斯摩速部

東界莫斯科南界阿臘里西界委的塞北界底窪

幅員二萬二千

零八十八方里戶百二十九萬七百有五十口領小

部落六土番皆習額力教廟宇華麗

伯斯果甫部

東界底窪西南界委底塞北界比特革

在大俄羅斯之西

幅員二萬二千二百九十三方里戶七十八萬三千

九百四十口領小部落四土番俱習額力教

耶羅斯羅部

東界果斯多羅麻西界底窪南界窩拉里麻北界窩麻那

在大俄羅

斯之中央幅員萬四千五百二十八方里戶百有二

萬二千九百九十口領小部落五土番皆習額力教

窩祿那部

東界俄羅斯南界巴母北界阿占牙爾西界諾戈落

在大俄羅斯之

北幅員十六萬三千七百有十二方里戶八十萬零

二千一百七十口領小部落十有九樹木薈茂俗尙

織機不產五穀皆仰商販土番皆習額力教

阿羅義斯部

東界阿占牙爾南界諾科落西界公蘭北界阿占牙爾

在大俄羅斯

斯之北幅員七萬有七百八十九方里戶三十五萬

二千九百口領小部落七土番俱習額力教多樹少

五穀仰商販

阿占牙爾部

東界阿細阿洲俄羅斯西界在大俄羅斯

斯之北幅員三十四萬六千一百三十三方里戶十

六萬二千六百六十口領小部落四十有五糧食俱

由南方商舟運至舟不回帆至卽折鬻爲薪以材木

賤也土番皆習額力教俗皆業漁

赫阿圖部

東南俱界且摩南西界窩那里摩北界都臘

幅員萬四千五百

五十三方里戶百二十七萬二百九十口領小部落

五土番俱習額力教

果斯多羅麻部

東界未歷加西界耶羅斯羅南界尼諾科北界窩祿那幅員三

萬八千五百七十方里戶百四十二萬二千七百口

領小部落六土番皆習額力敘

戈塞部

東南俱界阿羅匿斯西界渣尼阿什北界阿臘爾

幅員萬四千九百

五十四方里戶百六十一萬一千有五口領小部落

五土番皆習額力敘

小俄羅斯三部

幾富部

東界市爾多洼西界牙爾西阿南界卡循北界阿爾希尼阿

土宜耕種本

俄羅斯舊地前爲韃靼里波蘭兩國所據後復奪回幅員萬七千五百五十七方里戶百三十五萬三千八百口領小部落二十有二首部落有新舊之別舊城廟宇多荒蕪新城極壯麗土番皆習額力教俗尙潔勤工作屋牆俱飾以白人多好勝

查尼俄南部

東界戈塞南界布爾多洼西界敏塞北界阿葛爾

幅員二萬二

千九百八十八方里戶百三十七萬八千五百口領

小部落七上番皆習額力教

布爾多洼部

東界阿羅區斯西界幾付南界幅員萬斯底里加那甫北界查尼俄付

六千八百零十方里戶百九十三萬三千口領小部落五土番皆習額力教土產穀麥農商富庶

南俄羅斯五部

南俄羅斯平衍宜麥土番西底噲最曠野至俄羅斯

北達王加底尼里王時漸歸教化

加底里部

東界端科薩斯西界卡循南界擄利達北界布爾多注

千七百九十

六年波爾王始設部落招商賈今則爲俄羅斯國中

等之華幅員二萬九千七百五十五方里戶九十四

萬四千九百四十口領小部落四土肥而難于取水

卡循部

東界加底里那斯拉付南界擄利達西界密沙拉米北界幾付

幅員二萬五

千七百二十八方里戶五十二萬三千六百口領小

部落十有一

擣利達三部又名格里彌阿

北界卡爾東南西俱界裏海

在歐羅

巴俄羅斯極南幅員四萬三千五百六十二方里戶

四十三萬七千四百口領小部落四小山層疊螺

可觀和暖稱樂土前屬耶麻尼後屬韃韃里俄羅斯

連年攻戰而得之

密沙那彌部

東界卡爾西界普魯祖南界裏海北界波那里

幅員萬八千十

百一十方里戶三十一萬口領小部落八

端戈沙司部

東南俱界歐色特里西界窩羅諾斯北界冰耶新麥塞

幅員七萬

七千零三十四方里戶三十一萬口大小部落十有
九土番本韃韃里種類修偉淳樸富足好施家居乃
作征戰奮勇部落生殺自擅所征賦稅每年稍助俄
羅斯新藩兵餉而已查加色首部落也濱臨端河常
被水患遷城高阜仍其舊名民免昏墊而貿易不若
舊部之便

加匱俄羅斯五部

加匱領大部落五加匱未壓加新麥垂永耶巴母本

韃靼里之地至千五百五十年明世宗嘉靖三十九年始歸俄

羅斯

加匱部

東界阿臨默南界未壓加西界尼諾諾利北界新麻塞

幅員二萬二千

二百七十二方里戶百有十三萬八千八百口領小

部落五先時街道咸鋪木板嗣因不戒于火改用磚

石地多樹木產銅鐵土番普魯社種類勤耕種精煇

皮製造番靛

未歷加部

東界巴母西界果斯多羅南界加慶北界窩麻那

幅員四萬七千

三百八十一方里戶百二十六萬九千五百口領小

部落十有二土番普魯社種類產五穀多運售于阿

占牙爾兼產銅產番靛

新麥塞部

東界荷林墨西界冰耶北界加慶南界端戈沙斯

濱臨窩爾牙河

幅員二萬九千九百一十方里戶百有九萬五千一

百四十口領小部落七土番普魯社種類出產銅鐵

樹木

冰耶部

東界新麥塞西界畢摩甫南界端戈沙斯北界加慶

濱臨蘇臘河幅員

萬六千五百九十七方里戶百有四萬四千八百口

領小部落五土番普魯社種類勤耕種地多樹

巴母部

東界阿細亞俄羅斯西界未歷加南界荷林墨北界阿鹿那

帳員十二萬

七千零一十七方里戶百二十三萬二千四百七十

口領小部落十有五土番普魯社種類西隅之山產

銅鐵尤旺

俄羅斯南新藩五部

俄羅斯南新藩之薩加社、納希斯丹、諾尼阿、阿沙塔、千阿鄰、獸五大部落，同屬一區。內有高加薩斯大山，外臨黑海、裏海，壤地崎嶇，不與各國往來，人皆化外，恃其險僻，謂無人敢侵其境。未幾，諾尼阿蠻區竟爲巴社所奪。尙有濱海數小部，亦爲都魯機所奪。而薩加社等部落，是時又爲俄羅斯所有。嗣因諾尼阿背叛巴社，俄羅斯率師征服，并得土魯機所屬之數小部。從茲濱海蠻區悉爲俄羅斯屬地，土番皆習馬哈

墨回教小諳文學技藝劫掠爲生俄羅斯設兵設官
極力撫導惟阿林墨部近已歸化同于內地次則薩
加社亦加馴服阿薩塔干平地多有韃韃里流寓之
人設勘官名管束稅其牛羊尙遵法度若諾尼阿納希
斯丹則粗蠻如舊因其地與巴社附近欲藉其力以
捍拒雖有官照歷羈縻而已

薩加社部

東界納希斯丹南界諾尼阿
西界北海北界阿薩塔干

境內崇山峻

嶺最高曰高加薩斯山千三百二十丈終年積雪土
不饒而宜麥領小部落十有四首部曰摩斯諾設有

礮臺地極崎嶇，自俄羅斯闢山路，造橋梁，五年始成。設總領一人，及玉士領千五百名，玉士領武官也。所乘馬皆雄壯，善走兵器弓矢鳥銃，甲堅能禦銃彈。所蓄奴僕分二等，一備戰陣，一司耕作。其備戰之奴僕多至萬人，修偉趨戰，女多妍麗，出則以布蒙面，躡木屐，童女以皮束下體，釘以銀扣。俟嫁時，夫親釋之，生兒女三四歲，親朋即抱去撫育，教習事業，無異親生。男至堪臨陣，女至可婚配，始還其父母，謂親自鞠養，恐其溺愛也。機士臘小部落，瀕氏力河，市犂萬家，而

都魯機之阿敏阿人十居七八，產絲髮及酒。

諾尼阿部

東界納希斯丹，南界都魯機，西界黑海，北界薩加社。

巖巒盤互，萬木

參天，山深多礦。本巴社之地，因國王與俄羅斯交兵，徵國中年不及壯之丁，盡入營伍，憤怨背叛，原欲自制方面，不意復爲俄羅斯所得，領小部落二十，土番壯勇而女多美，戶三千餘，萬口習額力教者大半，習馬哈墨回教者僅小半，其俗權貴之家，御僕殘刻，無論田之磽沃，倍額收租，不計耕奴凍餒，故亦貧甚，眾劫掠四出，雖良農負耒而耕，亦必手械自衛，特付里

斯首部部落也俗舊渥樸今漸華靡有習武館軍裝庫互市蕃盛

阿薩塔干部

東界海西界薩川社南界端苛薩斯北界阿林墨薩

地多曠野崇

山領小部落四十有一首部部落瀕裏海巴社之絲髮

寶石諸貨皆售諸此土番亦富足善貿易貧者捕魚

爲生東南隅有阿喇湖可以煮鹽格廉敏爲舊時首

部今雖頽廢居民尙七萬餘內有英吉利佛蘭西巴

社印度各國之商而都魯機國之阿敏尼阿人最眾

阿林墨部

東界阿細亞洲俄羅斯西界加匱南界阿薩塔干北界帕尼

界阿細亞

歐羅巴兩洲之間地多草埔東隅有河發源烏臘嶺
山中謂之烏拉領河境內南歷阿薩塔干而注裏海
轄小部落三十有三阿林墨本首部落也緣近邊界
改移總領官于烏臘故近日以烏臘爲首部土番頑
梗今漸入化韃韃里之人每年販馬至者萬計羊約
六萬

納希斯丹部

東界裏海南界巴祚西
界諾尼阿北界薩加祚

近海岸土膏沃

領小部落十有三

北洋俄羅斯東新藩在阿細亞洲內地與蒙古滿洲相毗連

之地

悉畢厘阿國在阿悉亞洲之東北隅俄羅斯藩屬也東

界大洋與彌利堅洲對峙中隔一峽謂之墨領峽西界

烏拉嶺嶺高僅三百餘丈而長則自北海而至加斯比

菴海即裏海也阿細亞與歐羅巴卽以此嶺分界中有一路

可通車馬實爲兩洲之關鍵北抵冰海南以阿爾臺山

爲界阿爾臺山起處距烏拉嶺不遠自西而東直抵海

岸最高之峯二千丈有出火焰者山北爲悉比厘阿山

南卽蒙古伊犁韃靼里黑龍江等處也其地舊爲韃靼

里游牧之所

觀此則俄羅斯東北亦舊爲游牧國故佛經謂北方爲馬主元太祖封其長子术赤

于阿羅思故云亦游牧國也

額利西羅汶國亦有人往焉生齒日蕃

分族類立頭目其薩克阿左右之地界連悉比厘阿者

爲韃靼里凝匿士王所得

是凝匿士王似元代藩封

陰遣人偵探悉

比厘阿形勢欲越阿爾臺山而取山北地路險崎嶇不

果迨俄羅斯自立國不屬韃靼里統轄有俄羅斯之商

至悉比厘阿海岸貿易以洋貨易皮貨日漸蕃盛交結

頭目盛誇俄羅斯之富庶各頭目惑之間有率屬至俄

羅斯者觀其國都市廛宮殿之壯麗傾心歸向歲貢方物爲藩屬俄羅斯遂于近海之烏爾河口建礮臺扼要害不勞一兵一矢而悉比厘阿悉爲俄羅斯所有然地曠人稀乃取國中罪人謫戍于此以罪名之輕重分派力役及至伊挽洼爾西二代王時恐生內患將附近國都之韃靼里人驅之加斯比庵海即裏海旋得端戈薩司之戰士用爲前驅恢復侵地遂統大兵欲盡驅韃靼里之人韃靼里有豪健頭目耶爾麻不服領部眾六千餘東據悉比厘阿欲自立國而力不敵仍臣服于俄羅斯

耶爾麻旋爲其部下所殺，于是俄羅斯王復移駐防阿
彝之兵，闢地至華尼西阿，其居民曰儻俄羅斯族，士沃消
良，大兵甫至，爭貢皮毳，復沿菴雅臘河而上，幾至雅克
薩。卽黑龍江雅克薩城其居民曰模鰳斯蒙古，强悍異常。卽索俄
羅斯憚于前進，改沿裏那河左而行，崎嶇冰雪，一片荒
曠，惟產貂狐最貴，旣而端戈薩司之兵，不畏冰雪，往來
其地五十餘年，至千六百三十九年。太宗文皇帝崇德四年有端
戈薩司之彌特厘者，直至東洋荷葛斯海岸，偵探道路，
復增兵前往菴雅鰳河，以至麥加湖遠近之地，無不征

服此卽康熙初年俄羅斯與我
朝爭黑龍江素倫地之事由彼徑抵黑龍江適遇

滿洲兵至與之交鋒俄羅斯敗歸山後
阿模爾河卽黑龍江麥加湖卽

呼倫貝爾泊也山卽外興爾大故瀕江荒地仍屬滿洲
舊職方外紀圖謂之東金山

後卽以此爲界俄羅斯自此固守邊疆撫其所得之地

較之當日阿列山達王西沙爾王時幅員遼闊不啻倍

蓰由是欲窮東界所極是否與阿彌利堅洲相連抑或

東洋有海間斷并欲于阿細亞洲之西直抵印度已得

捷徑惟阿悉阿洲東方與彌利堅洲斷續之處屢訪之

先日蘭頓荷蘭商船未得端倪比達額列王亦曾募荷

蘭人操舟訪察無獲旋令雅古薩各官

雅古薩乃俄羅
斯東方部葉非

黑龍江之
雅克薩也

徧考史記亦無紀載惟云里那河因底雅加

河阿臘斯加河水皆北流注海千六百四十八年

順治
五年

有端戈薩司頭目特斯紐及孤底那二人相繼舟訪

言阿細亞洲與彌利堅洲不相連千七百年

康熙三
十九年取

得甘查甲其地斗出東海大洋風土迥異似別有天地

其東之少南卽日本國所屬之薩牙蓮島熱斯梭島正

東邊界則與歐羅巴濱海諸國相連並得彌利堅洲一

小隅之地及附近海島報至國都而比達額列王已逝

其女加特臘因嗣位于千七百二十年

康熙五十九年

繼述父

志復遣官一士般麻一芝利果一墨領攜熟諳天文地

理之特里斯列乘船東邁一無所獲千七百二十八年

雍正六年

墨領復至東隅僅考明阿細亞與彌利堅中隔一

峽雖不相連而相距不甚遠遂以已名而名其峽曰墨

領峽從茲不復遣使矣按悉畢厘阿國分二域西二部

曰都莫斯曰科利弗東二部曰雅古薩曰甘查甲

英夷國稱

此爲四省蓋四大斯

科也與中國相首尾四部之城池又以都莫斯雅古薩

爲最鉅其王獨攬國權雖有世家公卿莫敢專政廣興

文學以化邊鄙、聲名文物日進于舊、然因地制宜、故與歐羅巴之俄羅斯、法度稍異、且距俄羅斯國都遙遠、凡在悉畢厘阿之加彌業、貴官名每自專擅、不爲百姓所服、

幸當日甫得其地、卽將本國之人分徙僑居、尙知王化、主客相維、故至今無敢背叛、水師官弁多侵船料以肥其私、近日力懲前轍、兵共二萬二千、半住都莫司、半住雅古薩、派守各口礮臺者十之六、派防南界者十之四、因當日取悉比厘阿者皆端戈薩司之兵、故仍以其人充伍、此外尙有甘查甲部、地處極邊、屯兵較內地尤眾、

悉比厘阿所居之人有兩種一流寓一土著流寓者或因官寄籍或本國遷徙良民及謫配之人亦有所俘綏領將士流戍此地究皆官裔無僇鄙之習其罪犯定例重者開礦採金輕者酒館服役約束甚嚴其遷徙良民授畝而耕歲輸丁銀拉布爾八只徵男丁而不徵女土著者西南隅近哈薩克皆回教東北隅近蒙古則信奉喇嘛教文學技藝當推都莫司雅古薩兩部在都莫司者多流寓之人在雅古薩者多武官客商千七百九十年乾隆五十七年創書館貯史書設梨園大略與歐羅巴相等

敬賓客、耽麴蘖、居則板屋、食亦儉薄、無非葱蒜魚肉牛馬乳、面多紫黃、似蒙古、慷慨勇猛、非耕牧、卽射獵、極北嚴寒、多不出戶、產米穀、大麥、小麥、粗麥、石鹽、石髓、石奶、油、野鴨、鴈、鵝、牲畜、器用、有大呢、玻璃、金、銀、銅、鐵、鉛、紅寶、石、青金石、鑽石、水晶、綠晶、別有一種石、刀切成片、可代玻璃、皮毳、則灰鼠、貂鼠、白狐、黑狐、紅狐、海狐、海虎、海獺、壤沃厚、易播種、五金產自烏拉嶺、及阿爾臺山、并有沙、漠、千有餘里、中亦產金、千八百二十八年、道光八年、三處產金、五十三萬、銅三萬、千五百萬、鐵六萬、六千萬、銀三十

三萬四千棒近日銀礦不旺歲產不過四五六萬棒採
取五金約萬有三千餘人皮貨俱運售于都莫司雅古
薩東洋遙遠北海阻冰或行數日無人煙河道紆曲荒
遠荏苒出沒貿易跋涉艱難無匹徒以產豐利厚故商
旅不絕冒險爭驚甘查甲物產尤甚運至雅古薩征稅
甚輕以貨易貨大都烟酒刀劍玩物居多中國恰克圖
城爲俄羅斯與中國互市之所以皮貨呢絨玻璃易中
國茶葉大黃磁器絲髮棉花煙葉磁器每年交易約值
二三十萬棒大湖二一巴西達湖由波洼出海一麥嘉

湖在阿爾泰山之北，雅古薩之東南，眾水所匯，最爲瀨。
蘇河十有四，烏彌河自科利弗大山發源，紆繞北流，中
途會走領河、野代士加河，並匯伊新河。都莫爾河諸水
由麻洼尼士加而注之海，因尼西河自韃韃里發源，北
流至朱爾戈河，會依那維河，至都彖山薩，又會黨俄士
加河、阿牙那河、裏那河，由豆定薩而注之海。因底牙加
河、阿那斯加河、珂里馬河、阿那底河均發源阿爾臺山，
僅阿那底河一水趨東海，餘俱北流而出冰海。

都莫司部

東界雅古薩南界韃韃里西
界歐羅巴俄羅斯北界海

領大小邑三十

九產金銀銅鐵錫五穀皮貨馬酒材木脂膏

雅古薩部卽悉比釐阿首部

東界甘查甲西界都莫斯南界中國北界海領

大小城五十有三產銀鉛皮貨

科利弗部

東界雅古薩西界韃靼里南界中國北界都莫斯

領大小城十產金

銀銅鐵鉛

甘查甲部

東界海西界雅古薩南北俱界海

領大小城十七產皮貨海

馬珍寶

重輯

原無今補

地里備考曰亞悉亞州之地隸俄羅斯國者曰西卑里

曰日爾日曰是爾彎曰亞爾美尼曰義米勒多曰明哥
勒里曰達日斯丹曰西爾加西曰亞巴西曰高加索各
等處序列于左

案西卑里一作西比利一作悉卑里一作細密里皆譯音之殊

西卑里在亞細亞州之北緯度自北四十八度起至七
十度四十分止經度自東五十度起至一百八十九度
止東枕白令科各度斯各二海西連烏拉爾山南接達
爾給斯丹蒙古滿洲三國北界北海長一萬三千里寬
五千餘里地面積方約五百六十六萬九千四百五十
里烟戶一兆餘口地勢平坦海濱瀉鹵南方峯巒參天

湖河甚多河之長者曰科比曰日尼塞曰亞那巴拉曰
勒那曰英的曰爾加曰哥義馬曰亞那的曰亞木爾曰
義爾的士湖之大者曰拜加爾曰亞的音奴曰德合尼
曰比牙星各曰蘇迷曰沙加德森至于田土北方土曠
人稀西南膏腴豐茂土產金銀銅鐵錫鉛礬硝硫磺礞
砂信石紋石磁器各種獸皮地氣嚴寒多冬少夏所奉
之教或回或釋或大秦或天主趨向不一技藝平常貿
易豐盛其地有鎮部郡三者之分其鎮則四一名德波
爾斯各一名多木斯各一名耶尼塞斯各一名義爾古

德斯各其部則二一名科慕斯各一名亞古德斯各其郡則二一名科哥德斯各一名岡扎德加

日爾日亞在亞細亞洲之西緯度自北四十九分起至四十二度四十八分止經度自東四十一度起至四十五度止東至是爾灣地暨加斯比約海西枕黑海暨亞爾美尼亞地南接土爾基亞白爾西亞二國北界高加索山長約一千里寬約六百餘里烟戶三億口境內崇山峻嶺田土膴腴草木禽獸無不繁衍地氣參差寒暑俱極技藝庸陋貿易冷淡首郡名的非利斯

是爾灣在亞細亞州之西緯度自北三十八度四十分起至四十一度三十八分止經度自東四十二度四十分起至四十七度三十九分止東枕加斯比約海西連日爾日亞地南接日爾西亞國北界達日斯丹地東西相距八百里南北相去五百里地面積方約一萬二千二百里烟戶一億五萬口境內峯多積雪田土膏腴生物茂盛四季溫和技藝庸常貿易蕭疎首郡名巴古亞爾美尼亞在亞細亞州之西半屬土耳其亞國兼攝半屬厄羅斯國兼攝其屬厄羅斯者又名黑里灣昔爲

白爾西管轄道光八年始爲本國兼攝東北界日爾日亞地西連土耳其亞國南接白爾西亞國長寬皆約七百三十里地面積方約九千九百里烟戶一億六萬口境內岡陵平原互相間隔土饒穀菓地氣溫和西北地名黑里彎東南地名那各斯齊彎

義米勒多在亞細亞州之西黑海之邊岡陵重疊平原沃壤甚少土產材木魚類充斥土人弗取地氣溫和人安物阜首郡名古泰西

明哥勒里亞在亞細亞州之西東至義米勒多地西枕

黑海南接日爾日亞地北界西爾加西亞地長約五百里寬百五十里烟戶約十萬口境內岡陵絡繹多樹林少隴畝菓實茂盛禽獸充斥土產絲酒首郡名朱鼻的達日斯丹在亞細亞洲之西緯度自北四十度三十三分起至四十三度四十八分止經度自東四十三度三十分起至四十六度四十分止東枕加斯比約海西連西爾加西亞日爾日亞二地南接是爾灣地北界高加索部長約九百三十里寬約二百二十里地面積方約一萬二千里烟戶二億六萬口境內崇山峻嶺湖河甚

多田土廩厚葡萄成叢不植自生禽獸蕃衍鱗介充斥
產錫鐵硫磺地氣不一冷熱互異技藝蕭疎貿易清淡
首郡名古巴

西爾加西亞在亞細亞州之西緯度自北四十一度五
十二分起至四十五度十一分止經度自東三十四度
二十分起至四十四度四十五分止東枕加斯比約海
暨達日斯丹地西界黑海南接日爾日亞地北連高加
索山長約二千里寬約五百里地面積方約二萬七千
七百三十里烟戶二億六萬餘口境內峯巒參天夏雪

凝積湖河甚多，灌溉田畝，產穀果絲，縣地氣互異，平原
溫和高陵寒凜，其地一名大加巴爾達，一日小加巴爾
達。

亞巴西在亞細亞州之西，緯度自北四十二度三十分
起至四十四度四十五分止，經度自東三十四度四十
八分起至三十八度二十一分止，東至明哥勒里地，西
連西爾加西地，南枕黑海，北界高加索山，長約八百餘
里，寬約五百里，烟戶一億九萬餘口，境內岡陵與平原
相間，田土腴腴，生殖蕃衍，土產蠟蜜熟皮等物，其地一

卷之三
日大亞巴西諸會統攝各分部落一曰小亞巴西隸厄羅斯國兼攝

高加索部在亞細亞州之西緯度自北四十度起至四十五度止經度自東三十五度起至四十七度止東枕加斯比約海西連西爾加西地南接高加索山北界黑海長約二千餘里寬約七百二十里地面積方約四萬五千里烟戶一億三萬口境內山陵綿亘隴畝腴腴間多鴻鹵土產蠟蜜牛狐貂鼠海虎各皮地氣溫和人安物阜首郡名斯達窩羅波爾

地球圖說西比利亞國東界大東洋南界滿州并蒙古
西界歐羅巴大州北界北海其百姓約七百萬之數所
述之教回回教希臘教釋教所習之藝漁獵商賈凡崑
羅斯之居民犯罪咸遷徙于此與中國貿易之處名甲
他城地勢東南西三方俱高北方平坦惜近北極之處
終年冰雪五穀不登草木野獸繁殖人跡希少土人每
用木屐車一乘負以五大犬搭轡馳驅南方頗溫和略
堪栽種內有鹽湖數處名不詳述又有伊士江胡壁江
里納江此三江之大甲于亞細亞洲產金銀銅鐵金剛

石獸皮